



পান্টে শুধু লেবাস

এরশাদ তো গেলো
এখন দেবে কে বাঁশ
গণতন্ত্রের রুজ লিপিস্টিক
পান্টে শুধু লেবাস।

রাষ্ট্রপতি, প্রধানমন্ত্রী
সব ভুলেরই উর্ধ্ব
বাহ্ বাহ্ বাহ্ চামচা সকল
এই গানে আজ সুর দে।
আপনি এসেই জানিয়ে দিলেন আইন,
গণতন্ত্রের রুজ লিপিস্টিক ফাইন ম্যাডাম ফাইন।

৪৬

আন্দোলনের অগ্নিকণা
ছাত্রেরা যেই গ্যালো
স্বভাব সুলভ তদ্র ভাষায়
আপনিবলেন 'হ্যালো'।
কিন্তু যখন দাবীর কথা ওঠে
মিষ্টি হাসি থমকে গেলো ঠোঁটে
কঠোর ভাষায় জানিয়ে দিলেন
দাবী-দাওয়াবন্ধ
হায় জনতা - তাঁর কথাতেও
স্বৈরাচারেরগন্ধ।



ভোটের আগে জোটের দাবী
ভোট পেলে সব ফাঁকা
কলকজা হাতে নিয়ে
উন্টো চালান চাকা।
গদির আগে সব শুনেছেন
এখন কানে তুলো
কোপ্তা পোলাও আপনারা খান
পাবলিকে খায় মুলো।

বনে গেলে সব বিড়ালই বাঘ হয়
সত্যি কথা বললে সবাই রাগ হয়
কিন্তু শুনুন এই জনতা লড়বে
লোবাসটুকু পান্টে নিলে
রাজপথেতেই ধরবে

রচনাকাল: জানু '৯২